



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՎ

ԵՐԵՎԱՆԻ ԱԿԱԳԱՆՈՒ ԱՐՏԱՀԵՐԹ ԸՆՏՐՈՒԹՅՈՒՆՆԵՐ
23 ՍԵՊՏԵՄԲԵՐ 2018Թ.

ՀՈՒՇԱԹԵՐԻԹ



www.elections.am

Սույն հուշաթերթը կազմվել է Կենտրոնական ընտրական հանձնաժողովի կողմից Հայաստանի Հանրապետության ընտրական օրենսգրքի և Հայաստանի Հանրապետության կենտրոնական ընտրական հանձնաժողովի որոշումների հիման վրա:

Սույն հուշաթերթը կօգնի տեղամասային ընտրական հանձնաժողովների անդամներին պատշաճ կատարելու իրենց պարտականությունները քվեարկության կազմակերպման և արդյունքների ամփոփման ընթացքում:



ՄԻՆՉԵՎ ՏԵՂԱՄԱՍԱՅԻՆ ԿԵՆՏՐՈՆԻ ԲԱՑՈՒՄԸ

Քվեարկության օրը ժամը 7:00-8:00



Տեղամասային ընտրական հանձնաժողովի գործողությունների հաջորդականություն

- ստուգել չիրկիզվող պահարանին սոսնձված թղթի ամբողջականությունը և ուտիկանության ծառայողներից ընդունել պահարանը.
- գրանցամատյանում լրացնել չիրկիզվող պահարանն ընդունելու մասին արձանագրությունը.
- իրականացնել վիճակահանություն հանձնաժողովի անդամների գործառույթներն ու դրանց հերթափոխը որոշելու համար.
- վիճակահանության արդյունքները գրանցել գրանցամատյանում.
- տեղամասային ընտրական հանձնաժողովի նախագահի հանձնարարությամբ մասնագետը սահմանված կարգով ստուգում է տեխնիկական սարքավորման աշխատանքը, մուտքագրում ընտրական տեղամասի նույնականացման տվյալները և տպում է տվյալ տեխնիկական սարքավորման միջոցով գրանցված ընտրողների բացակայությունը հավաստող տեղեկանք.

եթե հանձնաժողովում օգտագործվում է մեկից ավելի տեխնիկական սարքավորում, ապա յուրաքանչյուր մասնագետ ստուգում է իր կողմից սպասարկվող տեխնիկական սարքավորման աշխատանքը և տպում է տվյալ տեխնիկական սարքավորման միջոցով գրանցված ընտրողների բացակայությունը հավաստող տեղեկանքը.

տեխնիկական սարքավորման միջոցով տպված գրանցված ընտրողների բացակայությունը հավաստող տեղեկանքը (տեղեկանքները) հրապարակել և **ստանձել գրանցամատյանում.**

բացել չհրկիզվող պահարանը.

հանել հանձնաժողովի անդամների անհատական կնիքները և հանձնաժողովի յուրաքանչյուր անդամին հանձնել նախորդ օրվա վիճակահանությամբ իրեն տրամադրված անհատական կնիքը.

հանել հանձնաժողովի կնիքը, գրանցամատյանում կնիք դնելով՝ հայտարարել կնիքի համարը.

ստուգել քվեատուփի դատարկ լինելը (բարձրաձայն հայտնել այդ մասին), և մինչև փակելը այն ցուցադրել նիստին ներկա գտնվելու իրավունք ունեցող անձանց.

փակել, հատուկ կապիչներով և ինքնաստանձվող ժապավեններով կնքել քվեատուփը (քվեատուփերը).

- հանել մեկ փաթեթ քվեաթերթիկ և մեկ փաթեթ քվեարկության ծրար (հարյուր հատ) ու հանձնել քվեաթերթիկներ և քվեարկության ծրարներ հատկացնող հանձնաժողովի անդամին (անդամներին)։
- հանել ընտրողների ցուցակները և հանձնել ընտրողների գրանցման համար պատասխանատու հանձնաժողովի անդամին (անդամներին)։
 - տեխնիկական սարքավորումը չաշխատելու կամ չլինելու դեպքում պահարանից հանել համարակալված կտրոնները և հանձնել ընտրողների գրանցման համար պատասխանատու հանձնաժողովի անդամին (անդամներին)։
- հանել հարյուր ինքնասուսնծվող դրոշմանիշ և հատկացնել ինքնասուսնծվող դրոշմանիշ փակցնող և քվեատուփի համար պատասխանատու հանձնաժողովի անդամին և գրանցամատյանում կատարել համապատասխան գրառում։

ՈՒՇԱԴՐՈՒԹՅՈՒՆ



Նշված բոլոր գործողությունները կատարվում են այն հաշվով, որպեսզի **ԺԱՄԸ 8:00-ի դրությամբ կատարված և ավարտված լինեն:**



Հանձնաժողովի նախագահը **ԺԱՄԸ 8:00-ին**, բարձրաձայն հայտարարում է քվեարկության սկիզբը և թույլատրում ընտրողների մուտքը քվեարկության սենյակ:



Տեղամասային կենտրոնը բացվելուց հետո հանձնաժողովի նախագահը անմիջապես տեղեկացնում է տարածքային ընտրական հանձնաժողովի նախագահին տեղամասը բացված լինելու մասին:



ՔՎԵԱՐԿՈՒԹՅԱՆ ԸՆԹԱՑՔՈՒՄ



մինչև ժամը **11.30-ը, 14.30-ը, 17.30-ը և 20.30-ը** տարածքային ընտրական հանձնաժողով է հաղորդվում համապատասխանաբար մինչև ժամը 11.00-ն, 14.00-ն, 17.00-ն և 20.00-ն տվյալ ընտրական տեղամասում քվեարկությանը մասնակցած ընտրողների թիվը և հաղորդված թվերը գրառվում են նաև տեղամասային ընտրական հանձնաժողովի գրանցամատյանում:



ՏԵՂԱՄԱՍԱՅԻՆ ԿԵՆՏՐՈՆԻ ՓԱԿՈՒՄ



Տեղամասային ընտրական հանձնաժողովի գործողությունների հաջորդականություն

- ժամը 20:00-ին հայտարարել քվեարկության ավարտի մասին.
- արգելել ընտրողների մուտքը քվեարկության սենյակ.
- քվեարկության սենյակում գտնվող ընտրողներին տալ քվեարկելու հնարավորություն.
- փակել քվեատուփի ճեղքը.
- փակել տեղամասային կենտրոնը.
- մինչև ժամը 20:30 տարածքային ընտրական հանձնաժողով հաղորդել տեղամասում քվեարկության մասնակիցների թիվը:**



ՔՎԵԱՐԿՈՒԹՅԱՆ ԱՐԴՅՈՒՆՔՆԵՐԻ ԱՄՓՈՓՈՒՄ



Տեղամասային ընտրական հանձնաժողովի գործողությունների հաջորդականություն

- փաթեթավորել հանձնաժողովի անդամների անհատական կնիքները.
- անհատական կնիքների փաթեթը կնքել, ստորագրել և տեղադրել ընտրական փաստաթղթերի պարկում.
- ընտրողների հիմնական ցուցակում ընտրողների ստորագրությունների հիման վրա հաշվել քվեարկության մասնակիցների թիվը, բարձրաձայն հրապարակել և արձանագրել գրանցամատյանում.

Եթե առկա է՝

քվեարկության օրն ընտրական տեղամասում կազմված լրացուցիչ ցուցակ,

ապա, ընտրողների լրացուցիչ ցուցակում ընտրողների ստորագրությունների հիման վրա հաշվել լրացուցիչ ցուցակով քվեարկության մասնակիցների թիվը, բարձրաձայն հրապարակել և արձանագրել գրանցամատյանում.

- բոլոր ցուցակների քվեարկողների թվերը գումարել, գումարը բարձրաձայն հրապարակել որպես քվեարկության մասնակիցների ընդհանուր թիվ և գրառել գրանցամատյանում.
- եթե տեխնիկական սարքավորումն անխափան աշխատել է քվեարկության ընթացքում, ապա տեխնիկական սարքավորման միջոցով տպել տեղեկանք, որում նշվում են տարածքային ընտրական հանձնաժողովի և ընտրական տեղամասի համարները, տեխնիկական սարքավորման միջոցով գրանցված ընտրողների հերթական համարը համապատասխան ընտրական տեղամասի ընտրողների ցուցակում.
- տեղեկանքը տպելու անհնարինության դեպքում՝ այդ մասին համապատասխան գրառում կատարել գրանցամատյանում.
- տեղեկանքի մեկ օրինակը, ստորագրված տեղամասային ընտրական հանձնաժողովի նախագահի կողմից և կնքված հանձնաժողովի կնիքով, տեղադրել ընտրական փաստաթղթերի մեծ պարկում.
- տեղեկանքի մեկական օրինակ, ստորագրված տեղամասային ընտրական հանձնաժողովի նախագահի կողմից և կնքված հանձնաժողովի կնիքով, պահանջի դեպքում տրամադրել

ամփոփման նիստին ներկա գտնվող թեկնածուներին, դիտորդներին և վստահված անձանց.

ընտրողների հիմնական ցուցակը, եթե առկա է նաև

քվեարկության օրն ընտրական տեղամասում կազմված լրացուցիչ ցուցակը

տեղադրել առանձին մեկանգամյա օգտագործման փոքր պարկում.

տեղամասային ընտրական հանձնաժողովի նախագահը և քարտուղարը ստորագրում են փոքր պարկի վրա, հանձնաժողովի նախագահը կնքում է հանձնաժողովի կնիքով և վրան գրում ընտրական տեղամասի համարը.

հաշվել ընտրողներից ստացված տեխնիկական սարքավորման միջոցով տպված կտրոնները, թիվը գրառել գրանցամատյանում, փաթեթավորել, փաթեթը կնքել և տեղադրել ընտրական փաստաթղթերի մեծ պարկում.

հաշվել ընտրողներից ստացված համարակալված քվեարկության կտրոնները, թիվը գրառել գրանցամատյանում փաթեթավորել, փաթեթը կնքել և տեղադրել ընտրական փաստաթղթերի մեծ պարկում.

- հաշվել չօգտագործված ինքնաստանձվող դրոշմանիշերը, փաթեթավորել, փաթեթը կնքել և տեղադրել ընտրական փաստաթղթերի մեծ պարկում, թիվը լրացնել գրանցամատյանում.
- հաշվել չօգտագործված համարակալված քվեարկության կտրոնները, փաթեթավորել, փաթեթը կնքել և տեղադրել ընտրական փաստաթղթերի մեծ պարկում, թիվը լրացնել գրանցամատյանում.

! **ՈՒՇԱԴՐՈՒԹՅՈՒՆ**

Համարակալված քվեարկության կտրոնները չօգտագործվելու դեպքում դրանք չեն հաշվվում, և նշվում է տարածքային ընտրական հանձնաժողովի հարկացրած կտրոնների թիվը:

4

ՔՎԵԱԹԵՐԹԻԿՆԵՐԻ ՏԵՍԱԿԱՎՈՐՈՒՄ



բացել քվեատուփը

- քվեատուփից հանել քվեարկության մեկ ծրար և ցուցադրել այնպես, որ այն տեսանելի լինի ներկաների համար



ավելորդ գրառում պարունակող քվեարկության ծրարի դեպքում քվեաթերթիկը ծրարից չհանել, քվեարկության ծրարը դրանում գտնվող քվեաթերթիկի հետ անհապաղ մարել.

- ծրարից հանել քվեաթերթիկը.
- քվեաթերթիկը ցուցադրել այնպես, որ այն տեսանելի լինի ներկաների համար.
- բարձրաձայն հայտարարել քվեաթերթիկի չսահմանված նմուշի լինելու մասին, վավեր կամ անվավեր լինելու մասին.
- վավեր քվեաթերթիկի դեպքում բարձրաձայն հայտարարել թե ընտրություններին մասնակցող որ կուսակցության կամ կուսակցությունների դաշինքի օգտին է քվեարկված.

- Պահանջի դեպքում քվեաթերթիկը փոխանցվում է հանձնաժողովի մյուս անդամներին.
- քվեաթերթիկը դնել համապատասխան կուսակցության կամ կուսակցությունների դաշինքի օգտին քվեարկած քվեաթերթիկների փաթեթի մեջ.

**Այս գործողությունները կրկնվում են
քվեատուփում առկա բոլոր ծրարների և
քվեաթերթիկների համար**

- հաշվել յուրաքանչյուր կուսակցության կամ կուսակցությունների դաշինքի օգտին քվեարկված քվեաթերթիկները, թվերը բարձրաձայն հայտարարել և արձանագրել գրանցամատյանում.
- հաշվել անվավեր քվեաթերթիկները, թիվը բարձրաձայն հայտարարել և արձանագրել գրանցամատյանում.
- անվավեր քվեաթերթիկները փաթեթավորել առանձին, փաթեթը կնքել և տեղադրել փաստաթղթերի մեծ պարկում:

 **Յուրաքանչյուր փաթեթի (ծրարի) վրա նշել կուսակցության կամ կուսակցությունների դաշինքի անվանումը և դրա պարունակությունը:**

- քվեարկության ծրարները (ինչպես քվեատուփից հանված, այնպես էլ չօգտագործված),
- չսահմանված նմուշի քվեաթերթիկները,
- ընտրողներին չտրամադրված, ինչպես նաև ընտրողի կողմից չօգտագործված քվեաթերթիկները

չեն հաշվարկվում, հաշվի չեն առնվում արդյունքներն ամփոփելիս, փաթեթավորվում են առաձին փաթեթներում և այն առանց պարկի մեջ տեղադրելու, ներկայացվում են տարածքային ընտրական հանձնաժողով:

5

ԱՐՁԱՆԱԳՐՈՒԹՅԱՆ ԿԱԶՄՈՒՄ

Հիմք ընդունելով կապարված հաշվարկները և գրանցամատյանում արձանագրված տվյալները, փեղամասային ընտրական հանձնաժողովը կազմում է փեղամասում քվեարկության արդյունքների արձանագրություն:

Արձանագրությունը պետք է կազմել ոչ ուշ, քան քվեարկության ավարտից 12 ժամ հետո:

Քվեարկության արձանագրությունը կազմվում է 4 օրինակից

- ✓ Արձանագրությունները ստորագրում են հանձնաժողովի նախագահը, քարտուղարը և անդամները.
- ✓ Հանձնաժողովի նախագահը կնքում է արձանագրությունների բոլոր օրինակները.
- ✓ Հանձնաժողովի անդամը պարտավոր է ստորագրել արձանագրությունը.
- ✓ Եթե հանձնաժողովի անդամը արձանագրության տվյալների վերաբերյալ ունի առարկություն (հատուկ կարծիք), ապա այդ մասին գրառում է կատարում արձանագրությունում՝ դրա համար նախատեսված հատուկ տեղում:



ՈՒՇԱԴՐՈՒԹՅՈՒՆ

Արձանագրությունը ստորագրվում է միայն բոլոր ստվալները լրացնելուց հետո:

✗ Արգելվում է նախապես ստորագրել քվեարկության արդյունքների արձանագրության ձևաթղթերը:

Արձանագրության 4 օրինակից՝

- մեկ** օրինակը փակցվում է տեղամասային կենտրոնում՝ ընտրողների ցուցակների կողքին,
- մեկ** օրինակը տեղադրվում է ընտրական փաստաթղթերի պարկում.
- երկու** օրինակը ներկայացվում է տարածքային ընտրական հանձնաժողով:

Տեղամասային ընտրական հանձնաժողովում ներկա լինելու իրավունք ունեցող անձանց պահանջով նրանց տրամադրվում է ընտրական տեղամասում քվեարկության արդյունքների արձանագրությունից քաղվածք՝ վավերացված հանձնաժողովի նախագահի և քարտուղարի ստորագրություններով և հանձնաժողովի կնիքով:



Հանձնաժողովի նախագահը և քարտուղարը քվեարկության ավարտից հետո ոչ ուշ, քան 14 ժամվա ընթացքում փարաժքային ընտրական հանձնաժողով են ներկայացնում՝

- ընտրական փաստաթղթերի մեկանգամյա օգտագործման մեծ պարկը,
- ընտրողների ցուցակների փոքր պարկը,
- քվեարկության արդյունքների արձանագրության 2 օրինակը,
- հանձնաժողովի գրանցամատյանը,
- հանձնաժողովի կնիքը,
- տեխնիկական սարքավորումները,
- չօգտագործված քվեաթերթիկները,
- քվեատուփից հանված օգտագործված քվեարկության ծրարները,
- չօգտագործված քվեարկության ծրարները,
- քվեատուփը,
- քվեարկության խցիկները: